

Script Of Evening Gojri News Bulletin 01 August 2024 at 1700 Hrs

ایوننگ گو جری نیوز بلیٹن مورخہ 01 اگست 2024

یوہ آکا شوانی جموں ہیمحبوب سلطانی تے غلام سرورتیں خبر سُنو۔ پہلاں خاص خاص خبر۔

*1۔ لیفٹنٹ گو رنر منوج سنہا نے کہیو ہے جے یو رپی ملکاں غی طرز ور ڈھانچو تیار کیو جا رہیو ہے تے جموں کشمیر جلد عالمی فلمی مقام بنن جا رہیو ہے۔

*2۔ ضلع سانہ مانہ بین القوامی سرحد کول سرحدی حفاظتی دستاں نے اک پاکستانی درانداز نانہ مار مکایو ہے۔

*3۔ صوبائی کمشنر جموں رومیش کمار نے جموں مانہ سو چھتا پکھواڑہ تے ”ایک پیڑ ماں کے نام“ مہم غی شروعات کی ہے۔

*4۔ تے پیرس الیمپکس مانہ شوٹر سو پنل کسالے نے پیرس الیمپکس 2024 شوٹینگ مقابلہ مانہ بھارت واسطے تیجو تمغو جتیو ہے۔

خبران غی تفصیل نال پہلاں محبوب سلطانی۔

LG Film Conclave

لیفٹنٹ گو رنر منوج سنہا نے اج کہیو ہے جے اُن غی زیر قیادت انتظامیہ یورپ غا ملکاں غی طرز ور بہترین فلم شوٹینگ غو ڈھانچو بنان واسطے کم کر رہی ہے تا نچے یوٹی جلد عالمی فلمی مقام غے طور بن سکے۔ اُنہاں نے کہیو جے میناں یاد ہے کہ مشہور ادارکارا راج کپور کشمیر مانہ فلم غی شوٹینگ توں کتنی محبت کریں تھا۔ جناب سنہا نے کہیو جے جموں کشمیر مانہ فلم غی شوٹینگ تے سنیما غے ہشکار اک بہترین رشتو ہے۔ اُنہاں نے ان گلاں گو اظہار ٹل جھیل سرینگر غے کنڈے بین القوامی کنونشن مرکز مانہ بالی ووڈ غا منیا پڑمنیا واہ فلم ہدایت کاراں، فنکاراں، مختصر فلم سازاں تے فلماں توں محبت کرن آلاں غا اجتماع سنگ جموں کشمیر فلم کنکلیو غا موقع ور کیو۔ اُن غو مزید کہنو تھو جے 2021 مانہ

ہم نے فلم پالیسی نانہہ بحال کرن مانہہ کامیابی حاصل کی تھی جس مانہہ کچھ چیز رہ گئی تھیں تاہم آج توں ہم نے نوی فلم پالیسی 2024 شروع کی ہے جھپڑی تمام سابقہ کمیائ نانہہ دور کرے گی۔ جناب سنہا نے کہیو جے اس پالیسی مانہہ ایسو نظام بنایو گیو ہے کہ جموں کشمیر مانہہ فلم غی شوٹینگ با رے دلچسپی رکھن آلا بدایت کاراں نانہہ اجازت لین مانہہ آسانی پیداوے گی۔ انہاں نے مزید کہیو جے نامور تے نواں فلم سازاں واسطے رعایت وی موجود ہیں۔ فلم پالیسی 2024 مانہہ فلم غی شوٹینگ با رے اجازت واسطے پورٹل ”نیا جموں کشمیر فلمز“ غا ناں توں شروع کیو گیو ہے۔

Infiltration Bid Samba

ضلع سانہہ مانہہ گذشتہ رات بین القوامی سرحد کول سرحدی حفاظتی دستاں نے اک پاکستانی درانداز نانہہ مار مکایو ہے۔ مہارا آکا شوانی جموں غا نامہ نگار نے خبر ٹوری ہے جے بدھوار آلی رات کھورا سرحدی چوکی کولوں اک شخص اس پا سے آتو دیکھیو گیو جس نانہہ سرحدی حفاظتی دستاں غا جواناں نے خبردار کیو تاہم اُس نے کوئی خاص توجہ نہ دے غے اس پا سے آن غی کوشش جا ری رکھی۔ جس غا نتیجہ مانہہ بی ایس ایف غا جواناں نے کا روانی کرتاں واں گولی با ری شروع کر دی۔ پولیس تے بی ایس ایف غا اعلیٰ افسر موقع آلی جگہ پُچ گیا ہیں تے لاش نانہہ کٹن غی کوشش جا ری ہے۔

Terrorist Arrest

فوج غی راشٹریہ رائفل رومیو فورس تے ضلع پونچھ پولیس غا خصوصی آپریشن گروپ ایس او جی نے مشترکہ آپریشن مانہہ اک دہشت گرد تنظیم حذب المجاہدین غا سرگرم دہشت گرد نانہہ پونچھ ضلع غا منگناڑ علاقہ توں گرفتار کیو ہے۔ فوج غا اک بیان غے مطابق محمد خلیل نامی دہشت گرد نانہہ 30 جولائی نانہہ رومیو فورس غی راشٹریہ رائفل نے اپنی تحویل مانہہ لیو تھو۔ حکام نے اس سلسلہ مانہہ مزید دسیو ہے جے اس دہشت گرد کولوں اک غیر ملکی پستول وی برآمد کی گئی ہے تے اس تیں علاوہ اک پاکستان غا وٹس ایپ نمبر غو وی پتو لایو گیو جس غے ذریعے محمد خلیل نانہہ اُتو کم سونپیو جا رہیو تھو۔ راجوری مانہہ ڈی ایس پی آپریشن غے مطابق حفاظتی دستاں نے اک اے کے 47 رائفل تے 2 میگزین وی برآمد کی ہیں۔ انہاں نے مزید دسیو جے ملزم پولیس غی حراست مانہہ ہے۔ تے مزید تفتیش جا ری ہے۔

ECI JK

جموں کشمیر مانہ اسمبلی انتخابات توں پہلاں بھارتی چناؤ کمیشن نے جموں کشمیر انتظامیہ نانہہ ہدایت کی ہے جے واہ اُن عہدیداراں نانہہ جہیڑا کہ اپنا آبا ئی ضلّاں مانہہ خدمات انجام دے رہیا ہیں یاہ جنہاں نے پچھلا 4 سالان غے دوران کسے خاص ضلع مانہہ 3 سال مکمل کر لیا ہیں یاہ 30 ستمبر 2024 تک 3 سال پورا ہو رہیا ہیں غا تبادلہ نانہہ یقینی بناویں۔ مہارا آکاشوانی جموں غا نمائندہ نے خبرٹوری ہے جے اعلیٰ انتخابی کمیشن نے چیف سیکریٹری تے اعلیٰ الکتورل افسر نانہہ ہدایت جا ری کرتاں وان کہیو ہے جے انتخابات سنگ براہ راست جُڑیا وا کسی وی افسر نانہہ موجودہ ضلع مانہہ تَیناتی جا ری رکھن غی اجازت نہ دتی جائے۔ کمیشن غی طرفوں کہیوگیو ہے جے ان ہدایات غے تحت آن آلا تمام افسراں گا تبادلہ نانہہ یقینی بناویو جائے۔ اس ضمن مانہہ یو ٹی سرکار غا متعلقہ محکماں، دفاتر توں حاصل کی گئی کا روانی غی تفصیل غے سنگ چیف سیکریٹری تے پولیس غا سربراہ غی طرفوں تَ میل غی رپورٹ 20 اگست 2024 تک کمیشن نانہہ سونپی جائیں۔ بھارتی چناؤ کمیشن نے مزید کہیو ہے جے جموں غی قانون ساز اسمبلی غا انتخابات عنقریب کرایا جائیں گا۔ واضع رہ جے 11 دسمبر 2023 نانہہ عدالتِ عظمیٰ نے بھارتی چناؤ کمیشن نانہہ جموں کشمیر مانہہ 30 ستمبر 2024 توں پہلاں اسمبلی انتخابات کران گو حکم دتو تھو۔

LED Bulbs

سرکار نے پچھلے سال مُلک مانہہ تقریباً 13 لکھ توں متا توانائی بچان آلا ایل ای ڈی بلب تقسیم کیا ہیں۔ انہاں بلباں نانہہ موثر توانائی خدمات لمیٹڈ (ای ای ایس ایل) غے ذریعے صارفین نانہہ کہٹ قیمت مانہہ فراہم کیو جا رہیو ہے جہیڑا توانائی نانہہ بچان مانہہ مدد کریں۔ اج لوک سبھا مانہہ اک سوال غا جواب مانہہ بجلی غا وزیر منوہر لال کھٹر نے ایوان نانہہ دسیو جے مُلک مانہہ ایل ای ڈی بلب کا فی دستیاب ہیں تے ہُن تک صرف اُتر پر دیش نانہہ ہی 2 عشاریہ 6 کروڑ توں متا بلب تقسیم کیا جا چکا ہیں۔

Jal Jeevan Mission

سرکار غی طرفوں مُلک مانہہ جل جیون مشن سکیم غے تحت 15 کروڑ توں متا کہراں نانہہ نلکا غے ذریعے پانی غی سہولیات فراہم کی گئی ہے۔ اس سہولیات سنگ پانی غی فراہمی واسطے درکار بجلی غا پل نانہہ کٹ کرن تیں علاوہ شمسی توانائی غا استعمال مال بارے لوگ راغب ہو رہیا ہیں۔ اج لوک سبھا مانہہ اک سوال جو جواب دیتاں واں جل شکتی غا وزیر سی آر پاتل نے ایوان نانہہ دسیو جے صاف پانی غی دستیابی غی صورتحال غا جائزہ لین واسطے مُلک مانہہ 8 ہزار توں متا گرانیاں گو سروے کرایو گیو ہے۔

یہ خبر تم آکا شوانی جموں تیں سن رہیا ہیں خبراں غا باقی حصہ نال غلام سرور

Div Com Jammu

جموں غا صوبائی کمشنر رامیش کمار نے جموں مانہہ ”سو چھتا پکھواڑہ“ تے ”ایک پیڑ شہیدوں کے نام“ مہم جو افتتاح کیو۔ یاه مہم پہلیاگست تیں 15 اگست تک چلائی جائے گی۔ اس قدم جو مقصد صفائی تے ماحولیاتی استحکام نانہہ فروغ دینو تے شجر کاری غے ذریعے شہداء نانہہ خراج عقیدت پیش کرنو ہے۔ اس سلسلہ مانہہ صوبائی کمشنر نے لوکاں نانہہ درخواست کی کہ وے ان مہماں مانہہ بدھ چڑھ غے حصول تے اک صاف ستھرا تے سر سبز ماحول مانہہ حصول غے ان لوکاں نانہہ خراج تحسین پیش کریں جنہاں نے اپنی جان قربان کی تھیں۔ اس موقع ور ترقیاتی کمشنر جموں تے میونسپل کمشنر وی موجو دتھا۔ مہارا نمانندہ سنگ گل کرتاں واں صوبائی کمشنر نے اس طرح کہیو۔ بانٹ۔

Swatchta Pakhwada Doda

ضلع ڈوڈہ غا ترقیاتی کمشنر ہر ویندر سنگھ نے اج سو چھتا پکھواڑہ مہم جو افتتاح کیو۔ تقریب جو آغاز ڈوڈہ غا کا نفرنس حال مانہہ تمام ضلع محکماں غا عہدیدار تے بکھ بکھ اسکولوں تے کالجاں غا طلباء غے ذریعے لیا گیا صفائی غا عہد تیں شروع ہوو۔ افتتاح غے دوران ترقیاتی کمشنر نے اس طرح کہیو۔ بانٹ۔

Paris Olympics

دوبزار 24 پیرس الیمپکس مانہ شوٹر سوپنل کسلے نے شوٹینگ مقابلہ مانہ مرداں غا 50 میٹر رائفل غا تیجا مقام واسطے فائنل مانہ جت غے بھارت واسطے تیجو تمغو حاصل کیو ہے۔ اس طرح متلقہ شوٹر مرداں غی 50 میٹر رائفل 3 پوزیشن ایونٹ مانہ الیمپکس میڈل جتن آلا پہلا بھارتی شوٹر بن گیا ہیں۔ دریں اثنا وزیر اعظم نریندر مو دی نے پیرس اولمپکس 2024 مانہ مرداں غی 50 میٹر رائفل 3 پوزیشن مانہ کا نسہ گو تمغو جتن ور اُس نامہ مبارک باد دتی۔

Ambulance Medical

صحت تے طبی تالیم غا سیکریٹری عید عابد رشید شاہ نے جاتے تہاڑے جموں کشمیر مانہ 108 تے 102 ایمبولینس ایمرجنسی سروسز غی کا کر دگی تے کم کاج غو جائزولین بارے میٹنگ غی صدارت کی۔ میٹنگ غے دوران سیکریٹری نے ایمبولینس خدمات انجام دین غی تالیف کرتاں واں کہیو کہ ان خدمات نے خطہ مانہ اک اہم کردار ادا کیو ہے۔ انہاں نے جموں کشمیر مانہ ان غی دستیابی نامہ یقینی بنان بارے ان غی خدمات نامہ برقرار رکھن تے بدھان غی اہمیت ور زور دتو۔ انہاں نے مزید کہیو کہ ان خدمات غی وجہ سنگ مچ سارا لوکاں غی جان بچیں تے ہاشرہ مانہ اک اہم کردار ادا کیو ہے۔ اس سلسلہ مانہ صحت گا سیکریٹری نے عہدیداراں ور زور دتو کہ وے اس گل نامہ یقینی بناویں کہ استفادہ کنندگان بغیر کسی وی رکاوٹ تیں ان خدمات گو فائدو چاہ سکیں۔ اس میٹنگ مانہ متی ساری درپیش مشکلاں ور تبادلہ خیال کیو گیو۔ ڈاکٹر عابد رشید نے تمام متلقہ افراد ور زور دتو کہ وے جموں کشمیر غی عوام غی خدمت مانہ تندہی تے لگن سنگ کم کریں۔

JK NHW

بھارت غی قومی شاہراہاں بارے اتھارٹی این ایچ اے آئی غا پروجیکٹ ڈائریکٹر پرشوتم کمار نے دسیو ہے کہ 270 کلو میٹر لمی جموں سرینگر قومی شاہراہ این ایچ 44 ور کم 2026 تک مکمل ہون غی امید ہے۔ آکاشوانی جموں غا نامہ نگار نے دسیو ہے کہ جموں سرینگر قومی شاہراہ مانہ کئی سرنگاں تے چار پالی حصاں ور کم مکمل ہون تیں مچ ساری بہتری آوے گی۔ لیکن لوکاں نامہ سال 2026 غا آخر تک انتظار کرنو پے گو۔

سڑک غا رابطہ مانہہ ہر گزرتے دن بہتری آتی جا رہی ہے۔ اس سلسلہ مانہہ جموں تے سرینگر غے بشکا ر سفر غو ویلو 6 گھنٹاں تک کہٹ کر دتو گیو ہے۔ تاہم اس طرح 4 پالی سڑک 16 ہزار کروڑ روپیاں غی لاگت سنگ بنائی جا رہی ہے۔ تے اس طرح 210 کلو میٹر غی چا ر پالی سڑک مکمل ہو چکی ہے۔ جس مانہہ 21 عشاریہ 5 کلو میٹر غی 10 سڑنگ اور کئی پُل شامل ہیں۔ تے اجاں 5 تیں 6 بڑا حصہ بین جنہاں ور کم کاج جا ری ہے۔ جن مانہہ باتہال قصبہ با نی پا س جوڑ، رامسو تیں کھاری رابطہ سڑک جوڑ، خونی نالہ، ڈگڈول تے مکر کوٹ ٹنل تے رام پن غے نیڑے اک جوڑ شامل ہے۔

Museum Conclave

ثقافت تے سیاحت غا وزیر گجیندر سنگھ شیخاوت نے اج نویں دہلی غا بھارت منڈیم مانہہ آن آلا یگا یگین بھارت میوزیم ور اسٹیٹ میوزیم کنکلیو غو افتتاح کیو۔ اس 3 روزہ کنکلیو غو مقصد شراکت دار غے ذریعے آن آلا میوزیم غا بکھ بکھ پہلواں ور بحث کرنوتے عالمی مہیا ر غا عجائب طو ر ور ترقی بارے اپنی قیمتی بصیرت فراہم کرنو ہے۔ افتتاحی اجلاس سنگ خطاب کرتاں واں جناب شیخاوت نے کہیو کہ بھارت غی صلاحیت تے طاقت مانہہ اضافہ غے نال ہی دُنیا پھر غا لوک اج بھارت نانہہ سمجھن غی کوشش کر رہیا ہیں۔ اس سلسلہ مانہہ جناب شیخاوت نے کہیو کہ بھارت کولے متا سارا قیمتی وراثت غا اثاثہ ہیں جہیڑا اجاں تک دُنیا نے دیکھیا تے اُنہاں نانہہ عالمی پلیٹ فارم ور ظاہر کرن غی ضرورت ہے۔ اُنہاں نے مزید کہیو کہ جی 20 تے یونیسکو غی عالمی ثقافتی ورثہ کمیٹی جیسا 2 بین القوامی پروگراماں غی کامیابی سنگ صدارت کرن تیں پاد دُنیا نے بھارت غا ورثہ تے بنیا دی ڈھانچہ نانہہ قبول کر ليو ہے۔ اُن غو کہنو تھو کہ وزیر اعظم نریندر مو دی وراثت بھی، وکاس بھی غا نظریہ نال مُلک غی ترقی ور توجو مرکوز کر رہیا ہیں۔ تاہم اس طرح یگا یگین بھارت میوزیم ور گل کرتاں واں وزیر نے کہیو کہ بھارت دُنیا غو سب تیں بڑو میوزیم بنان غی راہ ور گا مزاً ہے۔ اس طرح مُلک پھر غا سرکار ی عجائب گھراں تے یونیو سٹیاں تیں 80 نمائنداں سمیت 150 تیں متا شراکت دار کا نفرنس مانہہ حصولے رہیا ہیں۔

.

اس غے نال ہی خبراں غو یوہ بلیٹن ختم ہوو۔